

2012

*Faaunegatupe Mai le Faaputugatupe
a le Faalapotopotoga a Atunuu
e Auina Atu i Fafu Penisini*

Nu. 2

SAMOA

Faatulagaina o Aiaiga

1. Igoa puupuu ma le amataga
2. Faamatalaina o uiga o upu
3. Pule faataga e nono ai tupe
mai le Faaputugatupe
4. Faatinoga o noataga i lalo o
maliega
5. Faasilasilaga o Maliega
6. Faiga e teuteuina ai se
finauga i le faaiuga a ni sui
lautogia

2012, Nu. 2

O SE TULAFONO e aiaia ai mo le faatulai mai o faaunegatupe ma aitalafu mai le Faaputugatupe a le Faalapotopotoga a Atunuu e Auina Atu i Fafu Penisini mo Atinae Faava o Malo, ma mo faamoemoega e fesootai i ai.

[26 Ianuari 2012]

UA FAIA e le Fono Aoaofaitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono o Faaunegatupe Mai le Faaputugatupe a le Faalapotopotoga a Atunuu e Auina Atu i Fafo Penisini 2012.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Faamatalaina o uiga o upu - I totonu o leni Tulafono, ae vagana ai ua manaomia e le mataupu se isi uiga e ese ai:

“Faaputugatupe” o lona uiga o le Faaputugatupe mo Atinae Faava o Malo a le Faalapotopotoga a Atunuu e Auina Atu i Fafo Penisini (OFID);

“Malo” o lona uiga o le Malo o Samoa; ma le

“OPEC” o lona uiga o le Faalapotopotoga a Atunuu e Auina Atu i Fafo Penisini.

3. Pule faataga e nono ai tupe mai le Faaputugatupe-(1) Mo faamoemoega o le fuaiupu 75 o le Tulafono o le Pulega o Tupe a le Malo 2001, e mafai e le Malo ona nono mai le Faaputugatupe e tusa ai ma se maliega i lena tulaga i le va o le Malo ma le Faaputugatupe.

(2) E ui lava i le fuaiupu 78(1) o le Tulafono o le Pulega o Tupe a le Malo 2001, o le aofaiga o tupe lea e mafai ona nonoina i lalo o le faafuaiupu (1) e mafai ona fuafuaina e le Minisita.

4. Faatinoga o noataga i lalo o maliega-(1) E ui lava i so o se mea o aofia ai i totonu o so o se isi tulafono, o se maliega ua taunuu i ai i le va o Samoa ma le Faaputugatupe e tusa ai o aofaiga o tupe ua nonoina e le Malo mai le Faaputugatupe, po o se feagaiga, pepa faamaonia e totogi ai aitalafu, po o isi pepa faamaonia faaletulafono ua tuuina atu e tusa ai o so o sea maliega, e tatau ona aloaia ma mafai ona faamalosia ma ia i ai le malosiaga atoatoa ma tulaga aloaia i totonu o Samoa e tusa ai ma ona tuutuuga.

(2) E aunoa ma le faaituau i tulaga lautele o aiaiga o le faafuaiupu (1):

(a) e leai se tiute o faailoga tusi po o se lafoga po o se tiute e tatau ona totogiina i luga o sea maliega po

o i so o se feagaiga, pepa faamaonia e totogi ai aitalafu, po o isi pepa faamaonia faaletulafono e tuuina atu e tusa ai o so o sea maliega;

- (b) o le tupe faavae o le faaunegatupe po o aitalafu tau atinae ua maua ma feagaiga na tuuina atu i lalo o ia maliega e tatau ona toe totogiina atu ma le tului ma isi tupe ma tau faaee atu i ai e tatau ona totogi e aunoa ma tupe toesea mo ma tuusaunoa mai noataga mo lafoga o tupe maua, ma tuusaunoa mai so o se tupe po o tapulaa e faafoe ai le fesuiaiga o tupe.

5. Faasilasilaga o Maliega - O se ata o le maliega ua faia e le Minisita i lalo o lenei Tulafono e tatau ona faataatia i luma o le Fono Aoaofaitulafono i totonu o le 14 aso i le tuanai ai o le aso na faatino ai le maliega pe afai o lo o feagai le Fono Aoaofaitulafono ma fonotaga i lea taimi, ma afai e leai, o le amataga o le fonotaga e sosoo ai.

6. Faiga e teuteuina ai se finauga i le faaiuga a ni sui lautogia - Afai e tulai mai so o se feeseeseaiga i le va o le Faaputugatupe ma le Malo i lalo o se maliega ua faaiuina i le faatinoga o malosiaga ua faaee atu i ai e lenei Tulafono, po o i lalo o so o se feagaiga, pepa faamaonia e totogi ai aitalafu, po o se pepa faamaonia faaletulafono ua tuuina atu e tusa ai o so o sea maliega, e tatau ona fuafuaina e ala i se faiga e teuteuina ai se finauga i le faaiuga a ni sui lautogia i le faiga ua aiaia i totonu o Tuutuuga Lautele e mafai ona faaogā i le Maliega o le Faaunegatupe po o le Maliega o Aitalafu Tau Atinae, lea ua avea ma mataupu autu o le feeseeseaiga, e ui lava i aiaiga o so o se isi lava tulafono e ese mai ai.

**O le Tulafono o Faaunegatupe Mai le Faaputugatupe a le
Faalapotopotoga a Atunuu e Auina Atu i Fafo Penisini 2012
o lo o faafoeina e le Matagaluega o Tupe.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**